

月也去十一月朔日彼時雖不當朔且冬至十一月蝕尤為君有其慎之故歟十一月廿九日庚辰晚

頭參內今日御即位并朔且敍位也○中爰有僉儀仰云朔旦與御即位從昔未相合而諸道博士等朔

旦之時或浴其恩或又不然但寬弘九年朔旦與大嘗會敍位相合之時只曆道許被賞可用彼例歟可

定申人々多可有賞且亦可隨勅定被定申下官○藤原宗忠申云朔旦佳會已代初也加之相當御即位不

圖吉祥也諸道尤可有賞也賞之疑及廣如此謂也一人有慶兆民被之義也人々多被同申但殿下○藤原

實仰云此中諸道人々或依年限入外記勘文自然可蒙賞只今兩三人許勘文之外所申請也以頭

為房被申院歟○僉議之間執筆左大辨依次第申上也

〔本朝續文粹表〕朔旦冬至賀表

江帥

臣忠實等言知機其神先見先古之符命膺錄為后必受希代之休徵彼蒼之貺不其悅乎臣等誠歡

誠喜頓首頓首死罪死罪伏惟皇帝陛下名高二昊德被三才王澤如春桃李施不言之化矣帝道似歲

寒暑迎克○克一作能調之氣焉馬放華山周年之草烟老鳳巢阿閣堯日之竹露暄臣謹案曆日十一月壬

子朔旦冬至誠是經列聖而難值鐘治世而偶來者也景緯○緯一作縷著上推步履端黃軒同瑞論長生於

少典之子炎漢垂祥願上壽於太宗之孫測玄至於霜露之所均一陰一陽在璇璣於宿耀之不忒如珠

如璧昧旦肅儀圓丘之曉雲雖隔翌日受禮上邦之昔風猶聞况亦日官感曆數之自殊天臺奏陰隲之

有慶扶桑之添耀也何損於明葵藿之傾心也無虧其影李家五色求同類於斯栗社數周褊異時於時

○時一本作彼山雲膚合扶木何損於明維雨聲寒若華無虧其影龍圖鳳曆之初吉兆非一垂衣負辰之後福

應相重臣等幸逢有截之昌期近觀莫大之盛事春秋惟富如望日之升月之暉朝野考槃不知手之舞

足之踏山玄水蒼率雲官而來賀星旄電戟排霜仗而歡呼不堪欣感謹奉表以聞臣等誠歡誠喜頓

首頓首死罪死罪謹言

嘉承二年十一月二日